

Date: 17 September 1565

REF: GD112/39/4/24

Place: Inveraray Castle

From: Archibald Campbell, 5th Earl of Argyll

To: Colin Campbell of Glenorchy

Address: To our traist [cousing ye] Laird off Glen[vrquhaye] delyver yis

Traist cousyng efter maist hairtie commendatiounis. We
haif rasavit zour letter and wnderstandis ye saymin and as for
ye Queneis procedyngis we knew sum part yairof bot we knew ye mair
be zour letter. And as for ye persuevyng off zour cuntrye be hir
and quhair ze desyir ws to send wp ane number off men ovir to
zou for zour releif. As to yat ze sall wnderstand yat we are suirlie
advertissit yat scho is off purpoiss rycht schortlie to causs ye Erle Atholl
to gidder with ye assistance scho maye haif of ye northland men
to persewe us be ye heland. And on ye oder syid ye Erle off Lennox is
appoynttit to cum wpoun us off ye Lauland coist to Dunwone and
yair abouttis sua yat yai maye sett on us on bayth ye sydis at anis.
For ye Erle off Lennox is instantlie at Dunglas besyd
Dumbartane gatherit with ye power he maye be and hes ane
grett number off boittis in his cumpanie to ye effect foirsaidis. And
yairfoir sen sua is we knew suirlie yat yai think to perswe us foir
zou considerand ye provitioun makyng on bayth ye sydis of us.
And yairfoir we maye nocht put out monye men out of ye cuntrye
till we maye knew suirlie off yair alteratioun of purpois. Bot
nochtwithstanding we sall haif at ye heiddis of our cuntrye be at-
tentik of ye enemeis to ye number of foir hundred ... with ye
mair yat is in to ye heidis off Lorne MacCoull off ...
and Johnn Campbell sone to ye Laird of Loch[Inneill] and in
to ye heidis off Ergyill MacGregore and MacNachten and in to ye
heidis of Cowall Johnn MacAlister MacLaychlan quhilkis salbe ever
redie fra four dayis furth to serve zou als weill as ...
gif mister beis quhill our power to gidder with our self may cum
to yat part yat beis first persueit be ye enemeis. And ye morne

we meit with MacCoull and ye Laird off Achynbrek and hes the
Laird off Lochinnall in our companie. And quhenevir ... to
gidder we sall se and avyiss for yat thyng yat maye be to zour
releif and our weill bayth. Fardare ye sall ...
to ye men off Baquhidder as ze desyir and as for ...
and ye Clanfarlane yai are fewe of bot we belief yai ar
freindis. And credence to ye berrarr. And yis we committis
zou to God. Off Inverraraye ye xvij daye of September 1565.

Zouris

Archibald Ergyll